

Doc. no 2210

I.  
Theologie.

№ 5046 \*



5

# Ursach/

Warumb das Neue Hällische  
Mandat / einem trewen Lee-  
rer nicht anzunehmen sey.

D. Tyfemanus Gesenius.

2. Timothy. 4.

Es wirdt eine zeyt sein / da sie die heylsame Leere  
nicht leyden werden.

Matthe. 22.

Gebet dem Keyser / was des Keyfers ist /  
vnd Gott / was Gottes ist.

No 5051 \*

Handwritten text in a medieval script, likely Gothic or similar, appearing as bleed-through from the reverse side of the page. The text is arranged in several lines and is significantly faded.

Additional handwritten text, also appearing as bleed-through from the reverse side. This section includes what appears to be a list or a series of entries, with some lines starting with a large initial letter.



Ursach warumb das Newe hälli-  
sche Mandat oder Edict/einem trewen  
Leerer nicht sey anzunemen.

**W**esthet der Welt-  
lichen vnd Christlichen  
Oberkent sehr wol an/  
vnd ist dem Göttlichen  
wort gemess/ das sie sich  
vmb die ware Religion  
vnd vmb den Friden des  
Christenthums von  
herzen annympt/nach irem von Gott auffer  
legtem Ampt/die warhent befurdert/ Christi-  
rench went außbreyttet / vnd dargegen den  
Abgöttischen greueln/ vnd der falschen lester-  
lichen Lehr mit rechtem Ernst vnd Eyffer  
stewret vnd lehret.

Wann aber die Weltliche Oberkent ange-  
hezt durch gefährliche vnd der warhent feynd-  
liche genengte Personen/vnd sunst auß vn-  
wissenhent

wissenheit der Religion streyten / sich dahin  
bereden lasset / das sie ire habende Oberkعت  
zübeschonegung vnd beschützung / der irigen  
lehren vnd lehrern / vnd zu vndertruckung vñ  
verhinderung der reynen vnuerfelschten Göt  
lichen worts mißbrauchet / ist nöttig vnd von  
Got einem jeden Christen gebotten / das man  
in ihm nicht gehorche / sondern vil mehr  
Gott als den Eltesten vnd oberherm gehor  
sam lanste / vnd ist solche / abschlagung des  
gehorsams ein rechter dienst Gottes / mit dem  
befelch stymende. Gebt dem Keyser was des  
Keyser ist / vnd Gotte / was Gottes ist.

Nach dem dann das Newe hällische E  
dict / welches sich auff den Lüneburgischen  
franz abschnd berüfft / sich ansehen laßt / als  
seyes dahin gerichtet / das man damit wölle  
den schädlichen eingeschlichenen verfelschun  
gen / so sich vnder dem namen des Augspur  
gischen Confession vermenteln / vnd der ober  
zeugten vnd oberfürten falschen Lehrern  
wölle

wölle oberhelffen / vnd dargegen den rechtge-  
schaffenen vnd reynen Predigern des Maul  
vollend zübinden / das sie keinen Wolff mehr  
sollen anschreyen / vnd also ihre vertrawete  
schäfflin verführen lassen / vnd dahin ettliche  
vil Artickel in obgedachtem Mandat gesetzt /  
Welche der ganzen Prophetischen vnd Apo-  
stolischen lehr / auch der Augspurgischen Con-  
fession vnd den außgetruckten befehl Christi  
stracks züwider seind / als istis nöttig / das wir  
Prediger vnd Seelsorger vermög Göttliches  
worts / solchen Edict widersprechen / vnd die  
weltlichen Oberkent eines bessern berichten.

Was dann nun zum Ersten die ganze  
vergleichung des Mandats / so zu Lüneburg  
auff dem Keychstag von den Fürsten vnd  
Ständen des Nidersechssischen kreys / sol ge-  
schehen sein / anlanget / ist inn dem nicht nach  
der Regel götliches worts geschrytten. Dañ  
es sich in alle weg hette gepüren wöllen / weil  
man allda handeln wolte von den streyttigen  
Puncten der Religion / vnd auch eine Forme

A iiii fürschreyben /

fürschreiben/ nach dem man soll von dē Hoch  
würdigen Abentmal des Herren predigen /  
vnd was die Lehr auff der Kanzel straffen vñ  
nicht straffen solten ꝛc. Das man zu solcher  
berathschlagung nicht allein die Juristen vnd  
Hofrätche / sondern vil gelerte erfarnē vñ  
trewe Leerer vnd Theologos die der Schrifft  
wären erfarnē / vnd die jetzt schwebende Con-  
trouersias verstünden / auch wissen mit wel-  
chem befelch Christus sein Predigamt gestiff-  
tet vnd verordnet habe / gezogen / vnd in den  
allerhöchsten sachen den Mund des Herren  
auch gefragt hette.

So wayßt man auch auß Gottes wort/  
das sich die Herrschafft vnd gewalt der welt-  
lichen Regenten / noch keines Menschē so weit  
strecke / das er möge seines verstandes vnd ge-  
fallens das Prediampt / so von Jesu Christo  
allein gestifftet einziehen / einspannen / oder  
auch erwenttern. Dann der Son Gottes  
gestehet keinem Regenten einiges gebots oder  
verbots in seinem Geystlichen reich / welches  
er mit



er mit seinem theuren Blut erworben / vnd  
mit seinem klaren Wort gefasset vnd befridet  
hat / Dann da Christus sagt / Gebt dem Key-  
ser was des Keyfers ist / vnd Gotte was Got-  
tes ist / verbeut es dem Keyser vnd allen Ke-  
genten / das sie dem lieben Gott inn sein geist-  
lich Reich als inn einer frembden Herrschafft  
keinen eingriff thun sollen / sondern das gehn  
lassen wies Gott verordnet. Wiewol dann  
zu Eüneburg Statuta vnd Gesetz sollen ge-  
macht werden / vom Predigamt / welches  
Christireich vnd Herrschafft ist / hette man  
die Prediger darzu beruffen sollen / vnd von  
inen sich erkunden / was sich mit Gottes wort  
leyden wolt / was nicht ? Gnad Got dem ar-  
men Herren Christo / Wann die Juristen / de-  
ren sich wenig mit Gottes wort bekümmern /  
vnd Hofleit die oft iren Catechismum nicht  
gelernet haben / sollen Decreta vnd Beschlus-  
se machen / wie man die Sünde straffen / fal-  
sche Leere widerlegen / die reyne warheit er-  
klären / vnd die arme Seele gehn Hymel wei-  
sen vnd

fen vnd schuren soll/vil mehr haben wir Prediger den befehl von Got/das wir das Ampt des Euangelij nach Gottes wort führen/vnnd keinen Menschen weder hohes noch niedriges standes ansehen sollen. Jesaie 58. Kuffe gestrost/vnd schone nicht/Darumb sol die weltlich Oberkent hie die nöttige vnterscheid so zwischen der weltlichen Regierung/vnnd dem geystlichen Predigampt ist gemerckt/vnnd nicht inn einander gemengt haben.

Vnnd ob gleych die Oberkent anziehen wolte/sie hette die vereinigung des Mandatas fürgenomen/als gliedmassen der Kirchen/so kan doch nyemandt leügnen/das wir Pfarrer vnnd Seelsorger/auch ein thail der Kirchen seind/vnnd gebürt sich das man vnnsere Stymme auch höre inn den hohen Geystlichen sachen/sonderlich da man für hat/vnsers von Gott aufferlegtes Ampt einzüsperrren / vnnd vnnsere gewissen zübeschwären / Wie wenig auch diß Newe exempel stymmet mit den Historien der alten Kirchen / vnnd der loblichen Christlichen

Christlichen Keysern/Constantini Mangni/  
Theodosij/Marciani vnd anderer/wäre sehr  
leucht zu beweisen/dan sie nicht selbst mit iren  
Hoffjuckern die spaltungen so in der Reli-  
gion fürfielen/entschieden/oder beyde wil mit  
gewalt vnd tertruckt / sondern ire Theologos  
vnd Bischoffe haben sie Confociert/beruffen  
vnd die irungen nach Gottes wort erörtert  
lassen/vnd hernach mit Christlichem eyser/  
vber der reynen warhent mit ernstlichem ab-  
schaffen der lesterung gehalten. Vnd hat der  
Marcianus gar loblich im Concilio Chal-  
cedonensi gesagt. *Nos ad confirmandam fidem  
non ad ostendendam potentiam exon Constantini Im-  
peratoris pij,* Das ist/wir wollen diser Christ-  
lichen versammlung/nach dem exempel des lob-  
lichen Keyser Constantini selber beywonen/  
nicht vnnsern gewalt vnd macht allda sehen  
zulassen / Sonder das wir den Christlichen  
glauben wollen bestättigen helffen / darnach  
so man zu dem grund der warhent komen ist/  
das man die zwispalt gebürlicher weyse auff  
heben

Hebenmilge/ Synodo interesse uolumus, ut inuenta  
Veritate disidia tollantur. Wann die jetzt regie-  
rende Oberkennet solchem loblichen Exempel  
nachfolget / des wurde jr bass anstehn / auch  
mehr frucht schaffen inn der Kirchen / dann  
die jezige Forma des Hällischen Edicts / daß  
das man die spaltungen one erörterung vnd  
erklärung der warhait gedencet außzüliebē/  
das seind ganz vergebliche gedanken / wie die  
erfarung geben wirdt. Das Mandat ge-  
denckt der Widerteuffer vnd verdammet die  
Secte mit namen / welches recht ist / der Sa-  
cramentschwermerey wurd auch gedacht /  
doch nicht namhafftig außgetruckt / das man  
die Zwinglische vnd Caluinische verfürische  
Leere solle meyden / mit welcher Generalitet /  
das man so gemayn oder bloß daruon redet /  
den Türckischen Caluinisten nicht wenig luffe  
gegeben / Dann sie wöllen nicht Sacramene  
schwörner sonder trewe Lerer gescholten sein /  
Vnd die Forma das man nichts anderst / daß  
nach der Lehre Christi vnd Aposteln vom  
Abendmal

Abendmal solle reden / ist so gar generaliter  
ambigue vnd weytleufftig gesetzt / das sich alle  
Zwinglianer vnd Calumisten damit können  
behelffen / das auch jetzt die auffrührischen Cal  
uinisten zu Bremen / sich nicht anderst hören  
lassen / dann das sie vom Sacrament lehren  
nach den Worten Christi / der Aposteln / der  
Augspurgischen Confession. Der andern  
wichtigen Controuersien aber als des Man  
ichism / Idiaphorism / vom Freyen willen vnd  
anderer / wirdt mit keinem wort gedacht / son  
dern man laßt es im zweyfel hangen / welches  
wil recht / vnd welches vnrecht habe / vnd  
wirdt doch das Condemnieren oder verdan  
men verboten / Damit der Kirchen vnd ar  
men gewissen / gar nichts gedienet / dann weil  
sie vil Kirchen vnd Schulen / durch die neuen  
verfälschungen eingenommen / zerrüttet vnd ver  
wirret seind / fordert der Kirchen hohe not  
turfft / das man anzeige / vnd auß Gottes  
wort darthue / welches wil recht / welches wil  
vnrecht haben / sintemal es nicht vnöttige ge

B ij denck

zencck seind / sondern von den aller höchsten sachen / so unsere seligkeit betreffen. Derwegen kan ein newer Leerer vnd diener Christi / dis fürhaben der weltlichen Oberkeit ohne verletzung seines gewissens keins wegs billichen.

Diewenl man auch solche Statuta in Religions sachen / vnd das heylige Predigamt / vnd der Vnderthanen seligkeit betreffende / machen wolt / die im ganken Nidersechssischen Kraß / solten angenommen vnd gehalten werden / wäre ja billich vnd nöttig gewesen / das man der Erbarn Sechssischen Stätte bedencen / im disen allerhöchsten sachen auch gehört hette / was sie one verletzung der Ehre Gottes / vnd one besleckung ires gewissens / köndte annemen / Dann die Erbarn Stätte eben so wol schuldig / für die seligkeit irer vnderthanen zu sorgen / als die Fürsten vnd hohen Potentaten.

Es wäre auch nicht allein wider der Erbarn Stätte freyheit vnd Priuilegien / sonder auch wider Gottes wort / vnd des heyligen  
Reichs.

Reychs abschyd / Wann die Fürsten ein newe  
Forma der Religion geschmiedet / vnd newe  
Stattuta vñ heyligen Predigamt gemacht /  
das als dann / die Stätte solches one einiges  
bedencken / müsten annemen / vñ inen also von  
andern Herrschafften / newe Religion für-  
schreiben lassen / sonderlich weyl nyemandt  
kan leiignen / das die Erbarh Geschssischen  
Stätte / die ware reyne Leer des Euangelij /  
one alle verfelschung haben / vnd das Predig-  
amt bey inen vil besser gestelt nach Gottes  
wort / dann in vilen Fürstenthumen. Hat  
man sie doch im Interim / von Kayse. Maye.  
nicht wöllen newe Forma der Religion für-  
schreiben / noch das bekandtnuß schwächen  
lassen / Warumb wolten dan jetzt die Fürsten  
denen man keine Jurisdiction noch gewalt /  
inn Geyslichen sachen vber die Stätte ge-  
stähet / mit neuen Stattuten / die Kirchen vñ  
Prediger der Geschssischen Stät beschweren /  
vnd vns von vnserm bekandtnuß dringen.

So nyemandts hie wolt fürgeben / die Er-  
B iij barn

Baru Geschssischen Stätte / hetten keinen  
Stand im Kranz / on ettliche? Ist darauff mit  
aller billigkeit zu antworten / das die Kranz  
stände vom Römischen Keych / nicht der vrsach  
chen verordnet / das sie ires gut achtens / Re=  
ligion vnd Statuta vom Predigamt für=  
schreiben sollen / sondern auff die Kriegsüb=  
ung acht haben / empörungen vnd auffwick=  
lungen wören / vnd im heyligen Keych den  
Weltlichen Friden erhalten helfen. Dieweil  
mandañ der waren Augspurgischen Confes=  
sion / zu deren wir vnns alhie zu Magdeburg  
bekennen / nicht kan mit warhant schuld ge=  
ben / das sie zu einiger empörung / oder auff=  
stand des Volcks / nicht im geringsten vrsach  
gebe. Als haben auch die loblichen Stände /  
des Kranzes werden von Gott / noch vom hey=  
ligen Reich den befelch oder gwalt / dß sie vns  
newe Religions Statuta wider vnser gewis=  
sen vnd willen auff dringen / vnd vnserer jetzt  
habende / vnd Gottes wort gegründete Reli=  
gion schwächen oder einsperren mügen.

Fürß



Fürs ander / müssen wir auch etliche  
kräftliche Puncten / vnd einem trewen Leerer /  
ohn annemliche Artickel in disem Hällischen  
Edict / nach der ordnung anzungen / vnd mit  
Gottes wort verlegen.

Zum ersten / was geredt wirdt / von etts  
lichen Predicandten / vnzeitigem / vngbürl  
chem / schelten vñ schmähen auff der Kanzel /  
vnd verdammung ganzer Vniuersithet / vnd  
sonderbarer Personen / ist wol zu erachten /  
welche Leerer im Seschssischen kranß / damit  
gemeynet werden / Nämlich / die am trewlich  
sten Gottes wort / in den Seschssischen Stet  
ten bisher gefürt haben / welche trewe Leerer  
mit diser aufflage / am getrewlichsten verun  
gelimpffet werden / Vnd ist vber die massen  
erschrocklich / das man die nöttige Straff  
predigt / vnd warnunge / für falsche Lehr im  
Gottes wort gebotten / thar ein vnzeitiges  
schelten heysen.

Dann

Dann das die Prediger in den Seschffischen  
Kirchen / Lübeck / Hamburgk / Lüneburgk /  
Magdeburgk / Braunschweigk Mündtlich  
vnd Schrifftlich / die Adiaphoristery ver=  
dammet / Mayoris lesterliche leer von Not=  
wendigkant / die werck zur seligkant Confu=  
tiert / vnd darnider gelegt / die verfelschung  
vom Freyenwillen widerlegt vnd gestraffet /  
darinn haben sie Gottes wort gefolget / vnd  
der ganzen Kirchen nutzlich vnd trewlich ge=  
dienenet / Wer nun solches ein vnzertiges schel=  
ten will heysen / der lestert freylich den heyl=  
igen Geyst / vnd verdamet damit alle die herr=  
liche vnd lobliche Schrifften / so von Doctore  
Epino seligen / D. Westphalo / D. Doctore  
Morlino vnd anderer im Druck seind auß=  
gangen / Derhalben wer diß Edict annympt /  
der machte sich solcher grossen Sünden vil=  
hafftig / vnd hilfft damit Gottes geyst vnd  
Wort inn Christi dienern verdamen / daruor  
behütte mich mein trewer hayland Ihesus  
Christus.

So aber

So aber mit disen Etachlichten woz-  
ten nicht gemeynnt werden/die Prediger in den  
Geschssischen Kirchen/ so zange man deutlich  
an/wen man also beschuldiget/das er sich ver-  
antworten müge / dann das man solle ganz  
Vniuersitheten Condemniern/halt ich nicht/  
das es jemandt leicht gestehn werde / Dann  
wann man gleich ettliche Professores/etlicher  
Irthumb beschuldiget/deren man sie kan v-  
berfüren/vnd derwegen die jugent für die ör-  
ter warnet/damit wurd nicht die ganze Vni-  
uersithet Condemniert/darinn wol vil frome  
rechtgeschaffene Christen sein können/die mit  
solchen Lugen nicht beschmitzet seind/ sondern  
die falschen Leerer werden angezangt / auff  
das sich die liebe vnschuldige/ vnd vnbefun-  
nene jugent / desterleichter sich vor Irthumb  
konne fürsehen.

Zum andern / das man auff anzangen  
der Pastorn / die verfürte Widerteuffer inn  
hafft nemen solte/ist nicht recht. Dan Pfarz-  
herren

Herren seind nicht Steckenknecht / noch Hascher / sonder Diener des aller höchsten Gottes / Wann Pfarthermerfaren / das Wider-täufer oder Zwinglianer vorhanden seind / ist jr Ampt / das sie dieselbigen beschicken / mit ihnen reden / vnd sie mit Gottes wort vnderrichten / ob man sie möge gewinnen / vnd wo die vermanung nicht statt finden will / soll sie der Pfarther in den Bann thun / vnd nicht dem Hencker liuern / dan darzu hat die Oberkeit / ire Hascher vnd Scharfrichter / Hie aber sihet man wie der Richter des Edicts / nicht anderst helt vom heyligen Predigampt / dann als wären die Pfarther in Mansterhansen gleich / so vil haben die Juristen auß Gottes wort / in den 40. Jaren gestudiert / Gott suche sie heym / die deinen Son Christum also meynen.

Zum dritten / deutlich hette man anzeigen sollen / wer die Letzt seind / vnd wie sie mit namen vñ zünamen heysen / die alles tadeln /  
was

was von ihnen nicht erfunden/vund die Augspurgische Confession/in einem zweyffel ziehē/  
Wol wansz ich/das die Juristen in Weymar/  
dem Herren Illyrico vnd Wygando/disz ha-  
bensschuld geben / aber bisz auff dise stunde/  
solles noch mit warhent beu i en werden. Ds  
aber zu Witteberg vñ anderstwo/solche from-  
men seind/ die auß der Augspurgischen Con-  
fession einen betruglichen Gethurnū machen/  
das sie vns vnd den Calnmanern dienen solz-  
le/das wolt ich mit Gottes hulff darthun/vñ  
beweisen/wañ wir vnparteische richter hettē.

Zum vierdten/wie fein gibt sich der Tich-  
ter dises Mandats an tag / das er ein rechter  
Papist/vnd gldmaß des Antichrist sey / dan  
do er der zwo Religion gedencet/so in Religi-  
ons Friden sollen begriffen sein / Nennet er die  
Papisische Religion / die Alte / die andere so  
der Augspurgischen Confession gemeß ist/mit  
heimlichen worten die Newe. Nu seind gewiß-  
lich Tertuliani spruch warhaffig. *Vñ quodqz  
primū uerū simū est.*

L ij Die

Die alte Religion ist recht/die neue ist falsch/  
Abgöttisch vnd lesterlich sein. Soll nu die Pa-  
pistische / Antichristische / Religion die Alte  
sein / so müsse sie auch recht vnd warhafftig  
sein/vnd die Augspurgische auch falsch vnd  
irrig / werden also mit dem Wort/ alle Reli-  
gion/alle Greiwel / Abgötterey vnd Miß-  
breuch des gotslesterlichen Paphumbes ge-  
rechtfertiget / vnd dagegen das heylige vnd  
Seligmachende wort Gottes / in der Aug-  
spurgischen Confession / als eine Neue erfun-  
dne Ketzerey verdammet / wie dann die Papi-  
sten pflegen zu lestern. Welcher Prediger oder  
Christ / nu solch Edict annympt / sich darnach  
zuhalten / derselbig verleignet damit den Her-  
ren Christum / vnd das ganz Euangelion / für  
der Lestierung wöll sich ein jeder Christ hüten.

Zum fünfften / im Paragrapho vnder  
Sacramentschwermerey / was für mangel  
sey / ist oben angezant / Nemlich / das die For-  
mula zu wehtleuffig vnd zu zweyffelhaftig ge-  
stellet / vnd den lesterlichen Caluinisten vnd  
Zwing-

Zwinglianer zu sehr dienlich zu iren schlipff-  
löchern.

Das nun zum sechsten angezogen wirdt/  
das vngbürlliche schelten auff der Kanzel/  
vnd Condemnierung anderer Leut / die noch  
nie gehört / noch jemals überwunden seind / vñ  
dann mit grossen ernst / allen Superinten-  
denten / Pastoren / Seelsorgern / vñ Predigern  
gebotten wirdt / bey vermendung der vorwen-  
sung oder anderer Leibsstraffe / das man sich  
des bishero geübten scheltens vnd lesterens/  
preat personen der Vniuersitheten genzlich  
soll enthalten. Und isem orth sitzt der Hase den  
man jagt / meines erachtens / Vnd welches  
Wilbret / mochte dem Mayori / dem Ebero/  
Victorino / vnd alle die mit falscher Leer / jetzt  
Deutschland erfüllen / besser vñnd ngedlicher  
schmecken / dann das man den rechtgeschaffe-  
nen Predigern / dz Maul zübinde / den Druck  
verschlösse / vnd die Federn mit gewalt neme /  
vnd dann die verfluchten Kottengenster / liesse

¶ iii mit

mit macht schreyen/speyen/lestern vnd schrey-  
ben/ vnd nyemandt müste men antworten/  
Wie kundt es der Teuffel besser wünschen auf  
seiner seiten? Aber das müßt men Christus  
bestellen vnd einreymen hind-zwarts. Das  
mit man aber sehe/ das wir nicht auß fürwitz  
oder müßwillen/ sondern mit guttem strackem  
grundt / disen vnchristlichen Paragrophum  
verwerffen / wöllen wir ettliche wichtige vnd  
hohe vsachē anzangen/ die vns darzü dzungē.

Zum ersten/ ist das ein grausame lester-  
ung/ das man der trewen Prediger vnd Lerer  
straffpredigen/ darinn sie dem Volck die sünde  
anzangen/ Gottes zorn verkündigen / die fal-  
sche Leer verlegen vnd verdammen/ vermag  
Gottes wort/ nemmet ein schelten vnd lesteren/  
vnd das solchs sey wider Gottes wort/ vnd die  
liebe. Dann also wirdt Gott selbst ein Les-  
terer geheissen / der wider sein Wort/ vnd die  
liebe handle/ desgleichen der H. Geyst/ dann  
es ist offenbar/ das Got vom Himmel geboten/  
dā man solle vñ müsse straffen/ die Schäflein



Vor falscher Verearnē / vñ die irthumen ver  
damen / dan Christus sagt Matth. 8. Sehet  
euch für für den falschen Prophetē / die zu euch  
in schafsleiden komē / inwendig aber / seind  
sierenessend Wolff Mar. 8. Sehet euch für für  
dem Saurteig der Phariseer / vñ für dē saur-  
teig Herodis. Acto. 20. Ich weiß / d̄ nach mei-  
nem abschid / vnter euch werden komēn grew-  
liche wolffe / die der Herde nit verschonen wer-  
den / darüb seht wacker / vñ habt acht auf euch  
selbst / vñ auf die ganze Herde / Joha. 10. Wer  
nicht zur Thir einget / ist ein dieb vñ mörder.  
Matth. 5. Ir Otterzücht wer hat euch gewi-  
sen / das jr dē künfftigen zom entriēn werdet.  
Vnd fast aller Propheten vñ Aposteln schriff-  
ten / seind der exempel vol / vñ Paulus gebeut  
ernstlich / d̄ die Seelsorger den widerspenstige  
das maul stopffen sollē. 1. Tim. 1. Wer nu solch  
nöttig werck von Got geboten / von allen Pro-  
phetē / Christo / dē Aposteln glaubt / vñ welchs  
der Geyst Gottes selbst füret Johan. 16. der  
Geyst wirdt die Welt straffen / ein schelten  
vnd

vnd lestern heisset/ der muß freylich ein Gots  
lesterer sein/ vnd wirdt dem zorn Gottes nicht  
entlauffen/ er sey auch wer er wolle.

Zum andern/ das man so hart verbeut/  
die Condemnation der sonderbarn personcn/  
ist wider Gottes wort / welches also ist zube-  
weisen/ Paulus 1. Timoth. 5. Die do sün-  
digen/ die straffe vor allen. Wie ist's nun mög-  
lich/ das einer für alle gestrafft werde / wann  
er nicht wurd Namhaftig gemacht/ Vñ was  
ist sunst das Straffampt / dann das man ei-  
nem oder vilen deutlich anzeigt/ wo innen sie  
irren / oder warum sie wider Gottes gebott  
handeln/ Titum 1. Ein Leerer soll mächtig  
sein/ zünermanen vñ züstraffen die widerspen-  
stigen. Item/ man muß inen das Maul stopf-  
fen/ Wie ist's nun möglich/ das man einen ir-  
thumb widerlege/ vnd in das Maul stopffe/  
wann man nicht soll deutlich anzeigen / wer  
der falsche Leerer sey. Auch ist's nit möglich/  
das man die Schäßlein könne recht trewlich  
vor

für falsche Leerer vnd Wolffe vermanen/wel  
ches doch aller Leerer ampt ist/ Matthe. 8.  
Johan. 10. Acto. 20. Wann man sie nicht  
namhaftig macht/vnd gleich mit fingern auf  
sie deüttet. Sonst dencken die zühörer/ die wis  
sende wolff dauon man sagt/ das sie schaffs=  
wolle tragen/seyen etwa in India / vnd nicht  
vnder vns in der Kirchen.

Es wöllen die Regenten vnd Juristen/  
ein Exempel von irer Weltlichen regierung  
nemen / Wann ein Fürst oder Stadt / einen  
offentlichen vnd gefährlichen Feind hat/so ist  
nicht gnüg/das die Oberkent den vndertha=  
nen anzeige / Es sey ein Feind vorhanden/  
wider den man sich rüsten vnd gefast machen  
müß / sonder den Feind zangt man namhaft=  
tig an/wie er heisse/wo er seinen sitz habe/wie  
mächtiger sey/was er für hülf/ vnd welchen  
anhang er habe/auff das sich ein jeder vnder=  
than desto leichter gegen werth stellen. Also  
ists auch im reich Christi nicht gnüg / das  
man den schäfflein vermeldet/es seyen Kotten=  
D genster

geister vnd verführer vorhanden / sondern mit  
namen muß man sie zangen / vnd wol bekandt  
machen / ihre falsche leere auffdecken / für die  
Bücher welche sie voller irthum geflicket /  
warnen / vnd also den Wolff on vnderlaß  
ausschreyen / damit er die schäflein vnuerwar-  
net nicht fresse / vnd seinen grind men nicht an-  
schmiere. Zu dem stehn da die Exempel al-  
ler Propheten / Christi vnd der Aposteln / wel-  
che die falsche Lerer vnd Sünder sein mit na-  
men angezeigt haben. Moses strafft den Co-  
hore / Dathan vñ Abraham mit namen / scho-  
net auch Aronis nicht / das er mit Abgötterey  
das Volck verführt hatte / Der Prophet Mi-  
cha Reg. vltim. strafft den Lugegeist Zede-  
kiam / der den König Achab verführet mit na-  
men vnd für heupts / Amos straffet vnd con-  
demniert den falschen vnd lesterlichen hohen  
priester Amaliam mit namen / vnd zengt im  
an / wie in Gott vmb seiner lügen willen wur-  
de heimsuchen. Jeremias verdammet vnd  
straffet den falschen priester Paschur mit na-  
men.

men. Item/ Jeremias zeygt den gefangenen  
Juden zu Babylon/ durch einen Brieff die fal-  
schen vnd lesterlichen Propheten/ vor denen sie  
sich hütten vnd fürsehen sollen / vnd macht sie  
namhaftig. Nemlich Achab der Son Ko-  
laia vnd Ledekiam den Son Maseia vnd  
warnet alle Juden/ das sie iren lügen vnd le-  
sterungen nicht sollen folgen. Johannes der  
Teuffer straffet mit namen den Ehebrecher vñ  
blütschender Herodem/ vnd schreibt Chri-  
stomus/ Johannes hab dem Tyrannen selbst  
vnder augen gesagt/ in gegenwertigkheit des  
Volcks. Der Apostel Paulus straffet vnd  
condemniert mit namen den Hymenäum vnd  
Alexandrum/ vnd gibt sie dem Sathane/ das  
sie nicht mehr lesteren 1. Timot. 1. Item/ Phyg-  
gellum vnd Hermogenem 2. Timot. 1. Item  
die falsche Lerer die die aufferstehung verleug-  
neten/ nennet er mit namen Hymenäum vnd  
Philetum 2. Timot. 2. Item Demian vnd  
dem schmid Alexandrum zeygt er namhaftig  
an / auff das sich Timotheus vnd die ganze

D ij Kirche

Kirche wisse zühütten / vñnd war doch keiner  
von disen obgenandten condemnirte Ketzer  
jemals verhört oder verurteilt vom gericht/  
Dann ihrer ettliche selbst das gericht vñnder  
irer gewalt hatten. Aber ire lügen waren  
offenbar der Kirchen / wie auch deren Kotten-  
genster die wir verdammnen / wie dan auch der  
Mann Gottes Lutherus / beyde sind vñnd  
sünde / falsche leere vñd leerer namhaftig ge-  
strafft / vñ vil güts damit außgericht / ist aller  
Welt bewußt. Dan wider den Hynerhisten  
Erasmus hat er außdrucklich geschriben / die  
Sacramentierer hat er auch namhaftig wi-  
derlegt als Zwinglium / Carolstadium / Deco-  
lumbadiumc. Auch sunsten in seinen straff-  
schrifften vñd predigten / keines Königs / Für-  
sten noch Bischoffe verschonet. So es dan  
nun vnrecht vñd wider Gottes wort vñd wi-  
der die Liebe sein soll / wan man besonderba-  
re personen / die ire Lügen vñd Irthumb / inn  
offentlichen schrifften außgesprengt / vñd viler  
gewissen damit versüret / vñnd ganze Kirchen  
verwirret

verwirret haben/so müste folgen/das alle di-  
se Propheten Moses/Michas/Amos/Je-  
remias/Paulus/kurz alle Propheten vnd  
Aposteln/vnd Christus selbst/wider Gottes  
wort/vnd wider die Liebe gethan hetten/wel-  
ches mit grund der warheit/on verletzung der  
Göttlichen ehre/nymmer mehr mag gedacht/  
ich geschweng geredt werden.

Der Apostel Paulus vermanet an vilen  
orthen/das man nicht allein falsche vnd Ab-  
göttische Leere vnd Irthumen soll fliehen/  
sondern auch vor den Leerern selbst soll man  
sich fürsien/vnd von inen weichen Rom. 16.  
Ich er mane euch aber lieben brüder / das ihr  
auff sehet/auff die die zütrennung vnd erger-  
nuß anrichten/neben der Leere/die jr gelernet  
habt/vnd weichet von denselbigen/dan solche  
dienen nicht dem Herren Christo/sonder irem  
Bauch / vnd durch süsse Wort vnd predigte  
rede/verfüren sie die vnschuldigen Herzen.  
Wie ist's aber nun möglich/das sich die einfel-  
tigen herzen/vor den Irregenstern/die so prech-

D iij tige

tige vnd süsse wort führen / wann man sie nicht  
namhaftig vnd gleich mit fingern der gemeyn  
Gottes anzeigt? Dañ Paulus bezeugt das  
es gefährlich sey mit der Person / die mit fal-  
scher Leer beschmizet vñ zugehn / ire predigen  
zuhören / oder ire schrifften zulesen / weyl nicht  
jederman des verstands ist / das er als bald  
die geyster richten / vñ die schedliche giftige  
Leere / vnter den süssen Worten verdeckt / mer-  
cken könne Philip. 3. Sehet auff die Sünde /  
sehet auff die bösen arbayter? Was wil hie der  
Apostel anders / dann das wir selbst güte acht  
sollen haben / mit welchen Leerern wir umb-  
gehn. Auch wir Prediger die gemayne / so vns  
vertrauet ist / flehssig vermanen / das sie sich  
für den Hunden / vñ lesterlichen Irgeyster  
wisse zühüten / welches dann keines wegs ge-  
schehen kan / wann man sie mit namen / vñ  
vnterschiedlich nicht anzeigt. Als wie kön-  
nen sich frome einfeltige Herzen / für dem Lu-  
gengenst Doctor Mayor fürschen / vñ sein  
gnyfft fliehen / wann man der Gemeyne Got-  
tes nicht



tes nicht deutlich mit außgedrucktem namem  
verkuündiget / das Doctor Mayor Professor  
zu Wittenberg der Reher sey / der den Irz-  
thumb auß eingeben des Teuffels füre / das  
gütte werck also nöttig sein zur seeligkent / das  
es vnmüglich sey / on gütte werck seelig zu wer-  
den. Also ist auch mit anderen Kottengen-  
stern / welche man muß namhaftig den zühö-  
rern anzeigen / auff das ein jeder Christ sich  
miige vor inen zühütten / vñ ire Lugen fliehen.

Auß disem ist nu offenbar / das wir Pfarz-  
herren vñd Seelsorger keines wegs / wider  
Gottes wort / noch wider die Liebe des nech-  
sten handeln / wie vns das vermeint Edict  
gern wolt die schuld geben / Wann wir gleych  
falsche Leere vñd Leerer / die wir mit irem of-  
fentlichen gedruckten Schrifften überzeugen  
könden / das sie Irige / schedliche / verfürische  
vñd Gotteslesterische Leere zu verhinderung  
der Ehre des Allmächtigen / vñd zu ver-  
derben viler leut Seelen heyl vñd Seligkent /  
vnters volck gesprengt vñ außgegossen haben /  
namhaftig

namhaftig straffen / vermag Gottes Wort /  
condemnieren / vnd mit den zeugnissen der  
Propheten vnd Aposteln widerlegen / vñ inen  
das Maul stopffen / sonder das vilmehr / das  
vermeynte Edict / wider Gotes außgedruckte  
befelch / welches vnns aufferlegt / das wir die  
schäflein vor den wolffen warnen sollen / vnd  
auch wider die Christliche liebe / Sintemal  
der Christen heyl vnd seeligkeit erfordert / das  
man die Kottengenster anzeige vnd bekandt  
mache in dem handeln / dz es den trewen pre-  
digern das maul binden / vnd auß inen stum-  
me hunde machen will. Vnd zwar ganz ver-  
gessentlich verdammet / das Hällisch Edict  
sich selbst / dieweyl es verbeut die Condemnie-  
rung der verfelschungen / vnd doch selbs beyde  
Widerteiffern vnd Sacramentschwerner  
verdampft. Dañ ist es recht / das man die Sec-  
ten Condemnirer / wie es dañ recht ist / wie  
kan oder mag es dann vnrecht sein / das man  
andere Secten als / Adiaphorismum / May-  
orismum / Hynerhismum / Osiandrisum /  
Schwenck-

Schwencckfeldisium / Interimismum vñ der  
gleychen lesterungen / die ja so schedlich als die  
Widertäußerische sect sein mag / außdrucklich  
Condemniert.

Zum dritten / das im Edict wirdt für ge  
ben / die sonderbare personē der Vniuersithet /  
so man Condemniert seyen / nie gehört / noch  
eines Irthums vberzeugt / im dem wirdt  
nicht allein zu mildte / sonder auch ettwas on  
scham geredt / Dann was ist die schuld / das  
die Irigenster vnd Newe sectierer nicht fürge  
fordert / gnügsam verhört / im gericht vber  
zeugt / vnd ordenlich auß der Kirchen außge  
schlossen seind? Es steht ja in der armen Pfarz  
herm vermügen nicht / das sie generales Syn  
odos außschreiben / Theologos so iren Kir  
chen nicht verwandt / Citieren vnd für gericht  
fordern. Es müßten die Pastores der Geschs  
sichen Kirchen lang schreyben / Ehe Doctor  
Mayor wurde zu inen komen / vnd vor inen  
rechenschafft seiner Leere geben.

E Den

Den Chur vnd Fürsten vnd Ständen/so der  
Augspurgischen Confession verwandt/ hette  
es lengst gebiiren wollen/das sie einen Christ-  
lichen Synodum hetten beruffen/vnnd selbs  
wären mit ob vnnd angewesen/wie dann wir  
Pfartherren in zymlicher anzal lange zeit ge-  
schreyen/ gebetten/ geflehet/ vnnd manigfaltig  
suppliciert vnd gebetten haben/ aber bis auff  
dise stund nie nicht seind erhört worden. Als  
dann wolten wir vns nicht geschewhet habē/  
sonder fürgetrettē den Georgium Manorem/  
Paulum Eberum/Pfeffingerū/Alesium/Vy-  
ctorinū/Schwencckfeld vnd andere irregeister  
ordentlich angeklagt/mit iren eygen schrifftten  
sie vberzeuget/vnd mit Gotes wort vberwun-  
den/vnd widerumb von vnsern Büchern vnd  
predigen red vnd antwort gchorfamlichen ge-  
geben haben. Weil aber solcher Synodos  
bey den Fürsten vnd Ständen nicht ist zu he-  
ben/vnd nicht heymlich das vil Theologi die  
sich vor solchen Hächeln fürchten/vñ mit aller-  
macht widerzathen/dz man keinē Synodum  
halten/vñ aber in des nichts desto weniger ire

falsche lere / vnd schedliche grobe irthumen in  
die arme vnschuldige jugend außgiessen / ire lu-  
gen gar weit außbreiten / vnzölige seelen in ewi-  
ges verderben führen / vñ fast allenthalben kir-  
chen vñ schülen betrüben / dñ wo inen Gott nit  
wöret / bey vnsern nachkōmen kaum ein fuß-  
stapffe reiner gesunder Leere wurde gefunden  
werden. Weil es vns keines wegs gebüren / dñ  
wir stillschweigen / sonder müssen bey verlurft  
götlicher huld vñ gnad / das maul redlich auf-  
thün / vñ den versüßschē lestergeistern vñ Lu-  
genprediger antworten. Vnd ist one not dñ wir  
des sinodj decretim oder vrtel darin verdamen  
dan die sachen bereit in Gottes wort seind ge-  
schlichtet / darin arßgetruckt wñ recht vnd vn-  
recht sey / derwegen wir auch die jenigen / so wi-  
der Gotes wort etwas leren oder schreibē / sie  
heissen wie sie wöllē freidigklich condemnierē /  
ob gleich biß an Jungsten tag kein Synodus  
wurde gehalten / vñ solchs thün wir krafft des  
spruch Pauli / so jemand einander Euangeliū  
predigt / wanns ein Engel auß dē Himmel were /  
so sey er verflucht.

E ij Das

Das wir aber nyemandt mit vngrund  
beschuldigen/ des; seind wir erstlich inn vnsern  
gewissen versichert/ darneben können wirs al-  
len Ehrliebenden vnd Christgläubigen augen-  
scheinlich darthun. Dann das man Paulum  
Eberum/ Mayorem/ Passingerum vnd iren  
anhang für Adiaphoristen schilt/ vnd ire ver-  
führung verwirfft / wer dessen sterckere bewey-  
fung von vns fürdern. Dañ die Acta Syno-  
dica seind zu Witteberg gedruckt / darinn sie  
selbs bekennen / wie sie im Interim gewichen  
seind/ vñ wollen solchs als recht verthädigen.

Das man Mayorem straffet / von wegen  
seiner Papistischen Proposition/ als nemlich/  
das Gütte werck nöttig seind zur seeligkayt/  
das nie kein Mensch one gütte werck sey seelig  
worden/ das es vnmüglich sey one gütte werck  
seelig zu werden. Welche grausame Gottes-  
lesterung vnd gysstige Lugen/ keines wegs in  
der Kirchen zu dulden seind / in dem thut man  
im keine gewalt/ Syntemal seine engene Bü-  
cher / wider den Herren Ambsdorffium An-  
no 1552.

no 1552. Item Anno 1553. De Conuersione  
Pauli. Item seine vermeynte Reuocation vnd  
Postillen/alles zu Wittenberg vnd Leyptzig/  
vnter seinem namen gedruckt vorhandē seind/  
auß welchem solches zu beweysen ist. Also  
das Victorinus die Synergiam verthädigt/  
kan man in oberfüren mit seinen gedruckten  
Propositionibus/ vund mit seiner letsten De-  
claration. Also Eberum vund Manorem kan  
man dieses Irthumb oberzeugen / Desgley-  
chenden Siandrum/den Schwencckfeld/den  
Mantuanum / den Enzleben / kan man mit  
vnlugbarer gezeugknussen oberzeugen/das sie  
wider Gotes wort Leren vnd schryben/ Wer  
wolt vns dann wöhren/ das wir sie nicht ver-  
mag Gottes worts / so lang sie ire Irthumb  
halßstarrigklich verthädigen / solten straffen  
vnd widerlegen / vnd vnnsere Kirchen/so vns  
zu Leeren von Gott befolhen/ vor irem gyfft  
solten warnen. Ober das aber/das wir sol-  
ches vnser Condennierens einē jeden Chri-  
sten der nach der warhent forschet / gewisen  
E iij grund

grund können darthun/ seind wir auch noch/  
wie dessen alzeit des erbietens/ das Chur vnd  
Fürsten vñ Stände der Augspurgische Con-  
fession verwandt/ ein gemeinen Synodū auß-  
schreiben wollen/ vñ Christliche verhörung an-  
setzen vnd vergoñen/ wollen wir unsere wider-  
sacher alles des oberbringen/ was wir inen  
schuld geben/ auch mit Gotes wort erhalten/  
Dz ire lere vñ Corruptelen falsch vñ irrig sein/  
vnd mit dē schriftē der Prophetē vnd Aposteln  
so wenig als mit der ersten vnuerendertē Aug-  
spurgische Confession/ mit nichtē vber einstim-  
men. Wer mit solchem vnserm erbieeten mit wil  
gesettiget sein/ den lassen wir scharn vñ drä-  
wen/ so lang biß er müd wirt/ vñ sol gleichwol  
wissen/ das wir vmb seines flüchens vnd drä-  
wens willen vnser von Got auferlegtes ampt  
keines wegs gedencfen/ zu vnterlassen/ darzu  
vns helffe der Son Gotes mit seinē H. Geyst.

Was die brüderlich vermanung anlangt/  
fürt dz Edict dise erinnerung gar zu vnzeitig/  
dass ein grosser vnterschied ist/ zwischē dem der  
allein



allein für seine person irret / vnd dē der falsche  
leer außgussset / vñ die Kirche vergiffet durch  
leer vnd bücher / wañ einer für sich selbs irret /  
den sol man vermanen / eins oder zwainmal /  
so er nit folgt / hinfürter als einē verdampfen  
kezer menden Tit. 1. Wañ aber die kezeren wil  
vmb sich fressen / wie der Krepß / vnd die verfu  
rer mit predigen vnd schreiben / ire Lugen weye  
vmbher säet / vnd der einfeltigen hertzen einne  
men wollen / da hat die heimliche vermanung  
nit stadt / sonder da muß man wören mit schrei  
ben vnd predigen / vnd öffentlich warnen vnd  
vermanen / vnd muß inen das maul stopffen /  
weil sie vil heüser verfürē Tit. 1. Dañ hie muß  
man vil mehr auf die ganze Kirche vñ gemeyn  
sehen / das die nicht mit vnserm stillschwengen  
verlassen / vnd in den irthumb verfürt werde.  
Vnd ist dañ solche öffentliche straffpredig vnd  
condemnation vnd refutation des irthumbs /  
nichts weniger auch eine Brüderliche ver  
manung der Kottengenst / so seinen irthumb  
außgebrenttet / schuldig ist anzünemen / vnd  
seine

seine Eugen vor der ganzen Gemein zu wider-  
rüssen/ auf das so er jemandts verführet hette/  
dieselbigē wider zurecht gebracht werden. Vnd  
zwar d̄ die Adiaphoristen/ Mayoristen/ Syn-  
nergisten oft seind vermanet vnd gebetten/ sie  
wolten von iren Eugen ablassen/ vnd zur wa-  
ren Kirchen widerumb treten/ kan nyemand  
mit warhent leignen/ dan vile Theologen die  
noch im leben seind/ mit Brieffen die Adiapho-  
risten auff's brüderlichst vnd trewlichst ver-  
manet vnd gebetten/ sie wöllen ire Irthumb  
fallen lassen. So ist auch ganz Sachsen  
bewußt/ das der Erbar Stätte Legaten/  
Anno 1557. Gar stattlich gehn Wittenberg  
abgefertiget zūuersuchen/ ob man die gewon-  
chene Theologos gewinnen/ vnd den Hader  
fondte beylegen/ Was aber inen für antwort  
worden/ wens die Acta auß/ nemlich/ das sie  
mit grausamer bitterkēyt / vnd mit den aller  
schmählichsten Worten seind abgewisen. Noch  
zorniger hat man sich erzengt / wider die Ge-  
sandten des Herzogen Johans Albrecht von  
Meyelburg/

Meckelburg/die in den Fridē aufs freündt  
lichst fürgetragen/vnd doch bey inen nichts er  
halten können. Vnd was seind sunst alle die  
herliche Scripta. Doctoris Epini/ Joachi  
mi Westphali/ Joachimi Morlini/ D. Illu  
rici/ Nicolai Galli vnd anderer deren verma  
nungen/das die Adiaphoristen/Manoristen/  
Synergisten vnd andere Secten/ sich wolten  
weyssen lassen/ vnd die reyne Leer Jesu Christi  
wenter nicht verfelschen / hette derwegen der  
Jurist seine brüderliche vermanung wol miß  
gen/in der federn behalten.

Auß diesem bericht wil ich hoffen/das ein  
trewer Prediger vñ Gottseliger Christ/gnüg  
sam verstehn wirdt/ das nyemandt inn diesem  
neuen Hällischen Edict/ mit guttem gewissen  
könne willigen oder das annemen / Dann es  
erstlich wie oben bewisen/wider Gottes wort/  
welches gebeut/das man falsche Lere soll ver  
dammen/vnd die Schäflein vor den Wolffen  
warnen.

Zum andern/so ist diß Edict/wider die be  
kandtnuß

kantnuß der Geseßsische Kirchen/ so sie durch  
Gottes genst/ sent der verfolgung/ so ober das  
Interim entstanden/ gethan haben/ Inn wel-  
chen herrlichen bekandtnussen / sie verwerffen  
vñ confutiert haben/ die verfelschung der Adi-  
aphoristen/ der Synergisten/ der Mayoristen  
vnd anderer lesterer. So dan nu jemand wur-  
de diß Edict/ welehs die Condemnation oder  
Secten verbeut an zunemen/ so wurde er da-  
mit alle herrliche Scripta/ als lose scheltwort  
vnd lesterung verdamen/ seine angen bekandt-  
nussen lügenstraffen/ vnd also den h. Genst le-  
stern/ vnd die warhent Jesu Christi verleug-  
nen/ dafür behütte alle trewe Prediger der  
Son Gotes. Vnd weil vom jar zu Lüneburg  
auf dem Synodo vnser bekandtnuß widerho-  
let/ vnd daselbst die Synergistery/ Mayori-  
stery/ Osiandri lügen/ vñ der Adiaphoristen  
tandt namhaftig verdampt seind/ vñ von al-  
len Geseßsischen Stätten vnd Theologis an-  
genommen/ kan niemandt dem Edict folge lan-  
sten/ er muß dan solch herrlich vnd Christlich  
bekandtnuß

bekandtnuß zuuor verdainen/verleignen/wi  
deruffen/vnd also den genst Gottes selbst lu-  
genstraffen. Hie mag doch ein froms Christen  
herk sehen/was der leydige Satan suchet mit  
dem Edict/ so von gotlosen Juristen in Reli-  
gions sachen geschmidet worden. Es ist dem  
Feind der warheit freylich nit allein darumb  
zuthun/das er arme Prediger etwas schrecke/  
vnd inen alles herzen leyd an lege / sonder die  
heilsame warheit meynet er / das er dieselbige  
gantz außlesche / Gotes eh: schenden / viler leut  
gewissen beschweren / vnd seinen lügen zuver-  
hinderung viler leut seligkheit raum machen  
möge / darumb es auch desto mehr von nöten /  
das man dem bösen genst in solchem schedli-  
chem fürnemmen / nicht folgenoch wenchte.

Es ist auch fundt vnd offenbar / das ob-  
gemeldt Edict / stracks ist wider des heyligen  
Reychs Abschiden vnd auffgerichtten Religi-  
ons Friden handelt / dan in selbigen außdruck-  
lich cawirt / das weder die Kay. May. noch  
Churfürsten / Fürsten vñ Stände des heilige  
F ij Reychs



Reychs / keinen Stand der Augspurgischen  
Confession verwandt / der Religion halben/  
mit der that gewaltiglichen weisen oder inn  
andere wege / wider sein Consciens vñ willen  
dringt / oder derhalben vberziehen / beschendi-  
gen durch Mandat oder eynigen andern ge-  
stalt beschweren / oder verachten soll. Die-  
weyl wir dan alhie zu Magdaburg / der Aug-  
spurgischen Confession verwandt / vnd keinen  
vom heyligen Reych verdampften Secten an-  
hängig noch zügethon / auch sunst keiner fal-  
schen Leerje beschuldiget seind / wölle ein jeder  
bedencken / ob man nicht wider den Religions  
Friden handle / weyl man vns mit disem Neu-  
wen Edict / ein Newe Religion auffdringen  
wil / dauon die Aposteln noch Christus nicht  
gewißt / vñ die vil mehr wider aller Propheten  
vnd Apostel schrifften ist / wie droben bewisen  
vnd außfürlich kundt dargethon werden.

Auch ist disz Hällisch oder Eüneburgisch  
Edict / keinerley gestalt gemâß / der gethanen  
Züsagung / so geschehen ist inn der handlung  
zwischen

zwischen dem Landtsfürsten/ Thümeapitel/  
vnd ein Erbarer Rath der Statt Magda-  
burg / dann die lobliche Ritterschafft vnd  
Landtschafft/sich ebenso wol als vnser Herr-  
ren zuerinnern wissen/das man im zuschlies-  
sung der Thümb vnd andere Stiffts kirchen/  
klarlich im gegenwertigkent der Landtschafft  
versprochen hab. Es solte nicht allein hinfür-  
ter alle Abgötteren vnd greuel des Pab-  
stums an dem orth verbleyben/sondern man  
wolte auch keinen Prediger im Thümb auff-  
stellen / erwäre dann der Leere vnd bekandt-  
nuß/auch was die Condenmation/der neuen  
eingerissenen Corruptelen vnd verdampften  
Secten betrifft / welche damals namhaftig  
gemacht / vnd dem Landtsfürsten schriftlich  
seind vbergeben/mit dem Christlichen Mini-  
sterio der Alten Statt Magdeburg/gantz vñ  
gar eynig. Mit was gewissen vnd ehren/dañ  
jetzt die nöttige Condenmation/ der verdamp-  
ften Corruptelen alhie verbotten/vñ also dem  
Ministerio vnd ganzer Gemayn/ alhie jr be-  
F iij fandtnuß

Land muß geschwecht/ newe Form vnd weyse  
zu Predigen/ vñ welchem Gottes wort nichts  
wenst/ fürgeschriben/ vñ den verdampften  
Corruptelen die Thür vnd Fenster weit auff  
gethon werden/ hat ein vernünftiger vñ Got  
liebender Christ leichtlich zu erachten.

Vber das nu/ das ein jeder Pfarrer vñ  
Seelsorger den gemeinē befehl von Got hat/  
das er soll die falsche Lehrer meiden Tit. 1. vñ  
inen das maul stopffen Ibidem. Vñ ein jeg-  
licher sich selbst darzu verpflichtet/ verendet/  
wann er sich zum Predigamt bestellen lasset.  
So seind auch etlich vnter vns Prediger alhie  
zu Magdaburg/ der gestalt vñ Form/ von  
ihren Eltesten auf vñ angenommen/ das sie mit  
handgebender trew an Ends stat geloben müs-  
sen/ das sie nicht allein Gottes wort/ laut der  
Augsburgischen vñ Magdaburgischē Con-  
fession/ in allen Articeln lauter vñ reyn wöl-  
len Predigen/ sondern auch alle falsche Leer-  
straffen/ vñ inn sonderheit die Kirche vor der  
Adiaphoristery/ Synergistery/ Manoris le-  
sterung/



sterung/ Ssiandri schwermeren/ Stenckfelds  
lugen/ der Widertäufer vñ Zwinglianer vnd  
andrer Secten/ mit allē vleiß vnd trewē war  
nen/ vnd sie namhaftig straffen. So nu dise  
Prediger die also sich habē bestellen lassen/ da  
ran sie recht gethan/ d̄z Hällische Edict solten  
annemen/ müssen sie ire End vñ pflicht/ als ver  
gessene leit hindan setzen/ welchs inē kein By  
derman vil weniger ein Christ kan rathen/ w̄z  
gedachte Prediger namhaftig vñ in specie an  
gelobt / d̄z haben wir alle verheßsen / die wir  
mit inen einr bekantnuß vnd glaubens seind/  
vnd derwegē vor Got eben so hart als sie ver  
binden/ die falsche vñ irrige Leer zu Condem  
nieren/ vñ vnser schäfflein da vor zu warnen/  
wer kan anderst sagen/ dan das jetzige Corrup  
tellen/ von welchem das Hällisch Edict so gar  
nichts wil wissen/ als Aidiaphoristery/ Sy  
nergia/ Manichismus vñ andere nur wendlich  
dem Antichrist wider auff die Füße helffen.

Weyl es dann Gottes befehl ist/ das wir  
schewen müssen / gehet auß von ihnen/ vñ  
die zu.

die zühörer für dem offenbarten/verklärten vñ  
oberfürten Antichrist zu Rom/ vñnd seinem  
ganken anhang warnen/ müssen wir Gott  
mehr gehorsam sein/dann dem Newen Hälli-  
schen Edict.

Zu leßst in dem beuelch vom druck/können  
wir Prediger nicht willigen/dann es am tage  
ist/das man hie mit nichts anderst suchet/dañ  
das die hochnöttige Confutationes der Cor-  
ruptelen vñnd terdruckt werden mögen/vñnd in  
deß wirdt den Eugenschreybern/der frey Paß  
vergundt.

Wer Famoslibel oder schmächschrifften/  
oder vnzümliche gmalde laßt außgehn/ der  
mag darfür antworten / vñnd seine straff wie  
es die Keyserliche recht geben/gewertig sein.  
Wer aber nöttige/ vñnd inn Gottes wort ge-  
gründte Confutationes oder Irthumen/  
schmächschrifften nennet/der mag sich wol für  
sehen vor dem Spruch Christi/ wer lesterung  
redet

redet wider den heyligen Geyst / das soll im  
weder hie in diesem Leben / noch dort in jenem  
Leben nicht vergeben werden.

Es können die geleerten wol leyden / das  
man ire Bücher zuuor durch sehe / vnd dz ver-  
ständige vnd Gotseelige Leut drüber richten /  
ehe sie in druck außgehn / vnd das die Ober-  
kent des ortes / do man etwas laßt drucken wis-  
senschaft darumb habe / vnd die Inspection  
der Bücher / geleerten / erfarnen vnd Gotseeli-  
gen Mäñern bevilhet / ist den Scribenten nicht  
entgegen.

Wiewol wann man die Inspection zu vne-  
tertruckung der Warhent / vnd der vnschuld  
mißbrauchet / versündiget man sich groblich  
wider das dritt vnd achte Gebott. Synte-  
mal der lauff des heyligen Euangelij dar-  
durch wirdt auffgehalten / mit grossen nach-  
theil der Kirchen.

Das man aber auch verbeut / nichts an  
frembden dittern drucken zu lassen / es sey dan  
von der Oberkent / vndter der man gefessen /  
G vbersehen

übersehen vnd zügelassen/ist ein vnerhörte ser-  
uitus. Aber alles darauff abgerichtet/das  
man Christo die Thür an allen Enden der  
Welt versperre/das sich endtlich der Arme  
Christo muß gefangen geben. Vnd wie wol-  
ten die jeczigen Juristen solchen gryff funden  
haben/wann sie in nicht von irem Papsst D.  
Bruck dem Juristen zu Weymar gestudiert  
hätten. Aber wehl kein Göttlich recht vor  
handen/darinn solches werde gebotten/oder  
der Oberkent solches zügebietten/macht gege-  
ben/Auch kein Keyserlich gesetz inn solche ser-  
uituten die Theologos binden/wissen wir vns  
inn solch Joch nicht zü begeben. Nicht das  
wir schew tragen/vnser Schrifften oder dar-  
für nicht antworten wöllen/Dann wir seind  
allezeit vrbittig/vnd erkennen vnns schuldig  
für alles das jenige/was wir Predigen oder  
Schreyben/für gebürliche Richter/vnnd inn  
gnügsamer verhörung red vnd antwort zü ge-  
ben. Weil wir aber greynffen vnd füllen/das  
man mit disem gryff das suchet/wie man vns  
die

Die Feder einsperre/damit die falsche Leer / da  
mit die Welt verfür nicht gestrafft werde/  
müssen wir dem Exempel Jeremie / welcher/  
da im sein Buch auß befehl des Königs ver=  
brandt ward / ein anders Schreybt/welches  
vil scherpffer/heftiger vnd grösser war/dann  
das vorige.

Dann wir haben den befehl Christi  
Matthe. 10. Was ich euch sage inn Finster=  
müssen/das redet im Liecht/ vnd was jr höret  
inn das Ohr / das predigt auff den Dechern/  
das ist/Gottes wort von Christo geredt/sol=  
len wir keinem Menschen zugefallen schwen=  
gen / sonder vil mehr aller Welt fundt vnd  
offenbar machen/wie auch mit dem Wort das  
Predigamt gestiftet / Prediget allen Crea=  
turen/ darumb welchem die gaaben von Got  
verlyhen seind / das er mit Schrifften die war=  
heit went außbrentten/falsche Leere verlegen/  
vnd die gesunde Leer vor Kotten verfechten  
vnd verthädigen kan / der soll sich inn keines  
Menschen Edict/daran hindern lassen.

G ij Das

Dasz sey auff diß mal mein bedencken/  
von dem Hällischen Edict/ vñ bitte den Son  
Gottes Jesum Christum von herzen/er wöl  
le sein armes verachtes / geplagtes vnd schier  
vndtertrucktes Predigamt/ wider den jetzt  
regierenden Hoffteuffel / gnediglichen vnd  
gewaltiglichen verthädigen / Herren vnd  
Fürsten erleuchten / das sie nicht das Liebe  
Euangelium zum Landt hinausz tagen vnd  
jagen/sonder vil mehr den spaltungen/ordent-  
licher weyß vnd nach Gottes wort abhelf-  
fen ic. Derselbige Son Gottes verlenhe vns  
seinen heyligen Geyst / das wir vnser  
Ampt trewlich vnd nach seinem  
willē beständiglich führen.

AMEN.

Prophecy D. Martini Luchers  
aus seiner Predig/den 23. Sontag Trinita-  
tis zu Wittenberg gethan /  
Anno 1537.

**E**s wirdt nun ein ander gemeng werden/  
Im Ersten seind die Bischoffe abtrinnig  
worden. Soll nun die Welt lenger stehn/  
so wirdts darzu kommen / das die so Fürsten  
vnd Herren seind / werden wollen Geystlich  
sein / da wirdt vnd soll dann der Richter auff  
dem Dorffe. Der Edelman auff dem Lan-  
de / vnd Burgermeyster inn den Stätten/  
den Pfarthern vnd Prediger Reformieren  
vnd Meystern / Ja leeren wollen / also soll  
man Predigen / Vnd die Reichen Edelleut  
wöllens die Pfartherren albereytt lernen.

Es ist inen aber noch nicht angangen. Aber  
der Teuffel sucht es. Zehne seind auß Bisch-  
offshütten Fürsten worden. Dese werden  
Weltlicher Fürsten kleyder tragen / vnd dan-

G iii noch

nocht Bischoffe werden wöllen / das werden  
die rechten letzten Bischoffe sein / am Ende des  
Jungsten tages. Dann Gott ist erzürnet  
über die Welt / das sie so vndanckbar ist / vnd  
Christum vñ den lieben Schatz seines Wortes  
nicht annemen will / Wann du dann nicht  
wilt Gots fürchtige leitte hören / So werden  
dann Bischoffe kommen als Welt  
liche Fürsten / ic.



vi. Summa de tristi hujus postremi seculi Statu  
deq. miseris Ecclesia omnium temporum. Aut:  
Nic. Batichero: Wittenb: ab: 1564.

18. vray Pabstun. Das ist ein vordessung kaiserlicher  
Listigen u. vorder practiquen vntersandte, die Inquisition  
u. Observation der Schutzwigen placatum von Cardi-  
nate Granduella, und seiner Aufseherfundan p. A. M. D. LXVI


19. Vorfassige vnter Zeitung von der gewaltigen Diskord, die  
von Spinnung gefaltan ist worden, zwischen Herzog Ludwig  
von Nassau und Kaiser von Ansbach, p. geschriben den 23.  
Maji ab: 1568.


20. Zeitung vnter dem Niederlande, was sich erstlich den  
7. Octobr: mit Annehmung und Einnehmung der  
Stadt Santtroij, p. Zugabragan, Item von der Englischen  
Inquidennis, welche der Herzog von Conde wider den  
König und Genesigen p. vnter Robert fort, 1568.

AB 40  $\frac{21}{43}$

ULB Halle 3  
001 967 576  


Sb





Sach/

Neue Hällische  
tem trewen Lee-  
ngünemen sey.

mus Heshusius.

moth: 4s

in/da sie die heylsame Leere

22s

was des Keyfers ist/  
Gottes ist.

No 5051 \*

